

Estd

1997

Z.B.Y.F. TAANGKO

(An Organ of the Zomi Baptist Youth Fellowship)

LOM - X1 : HAWM V v MONTHLY BULLETIN v May 2010



	Laimai
1. <i>Zu in mihing taksa ah na a sep dawn</i> -Sia Nang Sian Mung	1
2. <i>Kiteeng uh</i>	2
3. <i>Kigawm ding maw? Kikhen ding?</i> -Tq. Do Suan Pau	3
4. <i>Dahpihna</i>	4
5. <i>Festival cum Sports etkikna</i> -Tq. Khampu	5
6. <i>Tan 12 zo te kilungdampih</i>	7
7. <i>Scholarship</i>	7
8. <i>Kuaten bang gen?</i>	8
9. <i>Sesih E.M.S huhna pia</i>	8

EDITORIAL BOARD

Editor :

Awi Ngaih Lun

Joint Editors :

K.Lang Kap

Z.L.Thang

News Editors :

Rev. Cin Khan Tuang

Sia Kham Suan Pau

Cir. Manager :

Mamuang

Tech. Assistant :

Tin Sawm Lian

ZBYF MAKAITTE

(2008 - 2010)

President :

K.Lang Kap

Vice President :

Kham Suan Pau

Secretary :

Awi Ngaih Lun

Recording Secretary :

Z.L.Thang

Asst. Rec.Secretary :

Thang Lian Mung

Ex-Officio Member :

Rev.Suan Khan Thang

Committee Member te :

1. *Nang Sian Mung*
2. *Kap Go Thang*
3. *Thawng Za Muan*
4. *Khup Khan Pau Ex-Hav*
5. *Tg. N.K.Hau*

Taangko kum 1 tatman Rs.30/-

Editorial...

Pasian nasepna ah vaihawmna pen a poimawh mahmahte laka khat ahi hi. Pawlpi hat nang leh hat lohna pen vaihawmte tungah kilimngak mahmah hi. Thuakna tawh kisai in pawlpi sunga vaihawmte pen a lim thuak pente mah hi pah hi.

Pawlpi sungah hiang tuamtuumte kibawl in tuate tungtawna vaihawmna bangin pawlpi in kal kisuan hi. Hong geel siam uh leh pawlpi kikhang ding a, hong geel siam kei leh kikhang lo ding ahih manin vaihawm thei a pawlpi mite hong sehte dinmun pen nak poimawh lua mahmah hi.

V a i h a w m n a khempeuhah a poimawh pen in Pasian zahtakna ahi hi. Tua lo ei metna ding bek ngaihsuna vai i hawm khak ding kidophuai mahmah hi. Pawlpi mite Pasian adinga mi manpha suak thei dinga pattahna te, mite in a bawlpa Pasian zahtakna tawh a nuntakna uh a zat theihna dinga lam bawl ding te ihi hi. Hici banga makaite in ngimna tupna neia kal hong suanpih theih leh pawlpi mite sungah kilemna te hong piang ding hi.

Thu tuamtuum

Costa Rica President thak nei

Ni 8/5/2010 in Costa Rica President dinga tel thak, Laura Chinchilla pen muanhuaina thu kiciam sak in, President thak hi dingin ki lalut hi. Chinchilla pen Costa Rica numeite sung panin President masa pen hi. Chinchilla pen kum 51 a upa hi a, Georgetown University panin graduate hi. Pasal nei in tapa kum 14 mi nei hi. Kum 2014 tan President len ding hi.

UK ah kiteelna man ta

UK kiteelpi result suak a, party mala kumpina bawl thei om lo hi. Vaihawm lai Labour Party in seat 258 la a, Conservative Party in seat 306 la in, Liberal Democrats in seat 57 la hi. Kumpina bawl thei dingin seat 326 ngah kisan hi.

Conservative Party in kumpina bawlpah dingin Liberal Democrats makaite hopih hi. Tua lai in Vaihawm lai Labour Party leh UK Prime Minister, Gordon Brown in zong kumpina bawlpah dingin Liberal Democrats makaite phone in hopih hi. Kua zaw in gam vaihawm makaihna tang ding kitel nai lo hi.

Nigeria President mual liam

Nigeria President kum 58 mi Umaru Yar'Adua pen lung leh kal na hangin in hun sawtpi sung dam lo in om in, ni 5/5/10 in a tenna Presidential villa ah si hi.

BWA

Leitungbup Tuiphum pawlpi kipawl khopna Baptist World Alliance (BWA) ah pawlpi 211 om hi.

NEICCYA Khoppi

May 7- 9 sungin BCM biakinn Chanmari, Lungleiah India Nisuahna Khristian khangno kipawlkhawm North East India Christian Council Youth Biennial Assembly 13 veina zang uh hi. Thulu 'Youth-the hope of the Church' cih zangin mi tuamtuum tung panin hanthotna hun zat ahi hi. 2012 khawmpi tunna dingin Church of God, Meghalaya & Assam in tung ding hi.

Atletico Champion

Hamburg tualpi ah Europe League final kimawl na om a, Spanish club Atletico Madrid in English club Fulham 2-1 in zo a, gualzawhna thupi tak ngah hi.

To

From :-

ZBC Office,
Bethel Veng,
Champhai -796 321
Mizoram, INDIA

ZU IN MIHING TAKSA AH NA A SEP DAN

-Sia Nang Sian Mung, Aizawl

Mihingte pen gante, gamsate leh ganhing dangte lak pan i danglamna leh i tungnungna khat in lungsim ngaihsutna sau tak i neih theihna hi. Tua pen “Higher Cerebral Centres” kici hi. Hih pen khuakpi (ci mai leng) pan ong suak hi. Hih khuakpi i cih ganhingte ah a awm kei hi. Mihingten gamsate ah a awm kei hi. Mihingten gamsate i batna tampi tak “Animal instinct” a cih uh kipianpiah, tua pen na hoih leh hoih lo, dik leh dik lo hiam, hun leh hun lo ngaihsutna tel vet lo a, a tuah dan banga awm mai utna ahi hi. Tua gamsate banga nuntak nopna pen khuaksungpi in uk a, khuakpi hong sia bang hi ta leh mihingte zong gamsate bangin kinungta mai ding hi.

Zu Nasep dan : Mihingten zu a dawn ciang a sisanah lut a, a dawn tam dan tawh kizui in taksa ah a nasep hong lang khia zel hi. Zu pen sisan ah mun za ah khat sang a tam zawk leh khuak lam ah anasep hong kilang thei gige a, tua pen ZUKHAM i ci mai a, a khen zu dawn mun deuh te in kham hak deuh se hi.

Zu in khuak ah ‘Higher Cerebral Centres’ khuaksungpi i cih ah na sem in, khuaksungpi in a nuntak niam “animal instincts” a ukna hih buai gige hi. Mi’n zu a dawn ciang lungsim tawldam huai hiam taiphian banga a, a om un ZU in khuak lam tha pia (stimulate) lo hiam i ci kha ding hi. Ahihna dik takin bel zu in tha pia lo in i gensa bangci khuaksungpi niamzaw a va ukna hih tom in, hih buai a, a kipat in mi tha pia bangin lang si ta leh, ahihna takah a nengniam sak zaw ahi hi. Min zu kham/gui donga a dawn ciangin a khuakpi “Higher Cerebral Centre” nasep hih mangin nuntak dan niam zaw ‘animal instinct’ in a nungta zel ta hi. Zu gui/

kham in i theihna sensory perception hih tom a, i ngaihsutna a hatsak kei a, a bul nai a kim a kianga thupiangte a theihsa hih tom a, a hun leh a mun theihnate, eimah ki uk zawhnate (self control) i taksa hiang tuamtuamte tatkhawm dante, taksa pan khopnate hih buai a, taksa nasep ding ukna hih buai den hi. Bektham lo in, i na theihna hih tawmin, awm dan/om zia nei lo taka nuntaknate, lungsim a suaktak luatna, a khen ciangin hehsuakna tun thei hi.

Zu in khuak lamah na a sep dante, khuak nasep a buaisak dante, banah taksa hing tuamtuam a natna a tut theih dante, a lang pha diakte pen gilpi na, gilpi pan (gastric) te, gilpi pat (peptic ulcers,) te, sin dam lohna sinkeu (cirrhosis) thaulua (obesity) te, awm natna (chronic bronchitis) te, khut leh khe thalakna (peripheralneuritis) te, B.P. sang, lungsim buaisak thei in haina dongin tun thei hi. Tua banah zu dawn lo a om thei lo hiam, a nasep ngeina zu dawn hanga tawlh niam nate, awm dan nuntakna ukzo nawn lo te zu ngawl vei

(chronic Alcoholic) kici a, tua bangte natna dam theilo vei hi mai uh a, hut khiat leh hih dam haksa mahmah ta hi. Zu ngawl vei zudawn lo a om thei lo, a nuntak zia leh innsung nuntak dan leh na dangah a siatpih dan gen ngai lo in i theih tek ding lam en ing.

Tulai in pasal te bek hi lo in numei ten zong zu dawn ciing mahmah uh hi. Tua banah naupangno leh tangvalnote nangawn zu dawn thei tam mahmah ta uh hi. Mi tampitak, a deuh khawlin naupang/khangdawng lama zu dawn pen khangdawng lamah zu dawn pen khangval kipawl na, mikhualna hiam, kiphatsak pih zaw te bang tam mahmah ta hi in kilang hi. Hih te zu nasep dan thei hi ta leh a kiphatsakpih ngam kei ding uh hi. Bang hang hiam cih leh zu in i gensa bangin nuntakna tawisang lo in hih i nuntakna (personality) hih niam a, khangdawng leh naupangte ading a hoih loh diakna in a lungsim uh leh ahihna uh khantoh lai leh a hun poimawh laitak uh a zu a dawn uh ciang a phak ding tan a phak loh bek hi lo in nakpi takin zu in khenniam cip gawp hi. Bektham lo in natna lauhuai - Zungawlvei (chronic Alcoholism) ah kai lut nuam sem hi. Zungawlvei (chronic alcoholism) pen cancer te bang zah dong a natna lauhuai hi.

Tua banah numeite adingin zu dawn a poi pen dang hong om leuleu a, nungak lai a zu dawn nu in a pasal neih dong in a dawn nuam mahmah hi. Numei naupai lai a zu dawn dente

amah leh a naupai a dingin poi thei mahmah hi.

Hih zu natna te vei lo dingin i kiven ding poimawh mahmah hi. Mikhen khatin zu dawn siam kici in zu dawn kawmkawmin holim khawm uh in, lungsim tawldam na'n hoih hi, ci kha ding hi. I gensa bangin, zu in khuak hatsak lo, thapia lo a, khuakpi akipan khuak neuta hih buaina hangin nuntak niamzaw animal instincts a bangin hong nuntasak ahah manin zu dawn leh zu kham nuam sa tamah leh i theih cian ciang nak zum huaina hi zen si ai ve! Tua ahah manin zu kham /guiten kiphatsakna a zat hi het lo hi. Zu in cidamna lam a khoih theih dante, nuntak dan ahah niam dante, thei gige napi a zu dawn/ne nuam zelzel ading in kingaihsut mahmah hun hi ta hi.

KITEENG UH

1. Tg. Lam Khan Mung leh Lia Man Sawh ni 27.4.2010 in Sesih ZBC Biakinn ah pawlpi ngeina siangtho tawh nupa pumkhat suak a, Rev.Cin Khan Tuangin letthat hi.

2. Tg. Cin Suan Thang leh Lia Ciin Lian Mawi ni 7.5.2010 in Vapar ZBC Biakinn ah pawlpi ngeina siangtho tawh nupa pumkhat suak a, Rev. Suan Khan Thangin letthat hi.

I sanggam nupa kawp nih kiteengte Taangko Editorial Board in lungdampih hi.

*Nupa ki it, kilungtuaka,
Von deih za tam tawi dingin,
Sian in na siam ta hen.*

KIGAWM DING MAW? KIKHEN DING?

-*Tg. Do Suan Pau, Vapar*

“Pan khopna pen gualzawhna hi”

Zomite pen a pang khawm lam sang kikhen lam a siam zaw in ka mu hi. I minam pen a naupan luat lai man hiam? I pau i ham kibat loh man hiam? cih ka ngaihsun hi. A khente Teizang, Tedim, Saizang, Khuano, Paite, Vaiphei etc, in i pau uh a, i deih leh duh dan zong kituak lo pah hi. Tua in i lungsim ngaihsutna hong dangsak hi in ka thei hi.

Pasian thu lamah en leng i Pasian thu lam sangin leitung thupitna, makai hih utna hangin i pawlpite kithutuak lo in kiphelphel hi. Pawlpi sungah kigensiatna a tam ciang pawlpi thanemin kiphel tam lawh liang hi. Mi gensia a pawlpi a buai sakte pen zuau gen siam, a thudeih leh hihna deihte hi nuam mahmah hi. Pawlpi committee leh Constitution lo bang a gamtang a, langpang pen pawlpi a dingin a nawksak leh a lauhuai penpente hi. Tua ahieh ciangin pawlpi ngeina na zuih a, na gamtat leh pawlpi leh Pasian a it nahi hi.

Tua bek tham lo in pawlpiten kipawlkhop leh nasep khop i minam khantohna dingin vai hawm uh a, tua laitakin i mipihte mah in hong tawhsiat sawm in, ahieh theih bangbangin tha san in, ma la mawk uh hi. Koi ah i Pasian thu leh i minam khantohna om hiam? Nang hangin bang tan i minam in thuak hiam? Ki enpha kik ni.

Leitung politics ci leng i minam it taktak ka mu zo nai kei hi. Kiteel dawn ciang ka minam ka it in ka vei mahmah ci in, i bang kua ah hong lut dawdaw

zel uh hi. A lungsim un a gilpi bek ngaihsun uh hi. Kiteel zawh ciang a mel muh leh hamphatna muh ding om lo hi. I muh sunsunte zong gilpuak leh kiphasak in hong thusim nuam nawn het lo uh hi. Tuaten i minam hong zuak hi lo hiam? Bang hanga kiteel kuan ciang pangkhawm ni hong ci uh a, a ma lamah thu bangmah hong gen ngei lo in, a dai dide uh hi.

Ei Zomite pen i om khop tamna ah ‘ui leh kel’ i bang uh hi. Kilem thei loin, thuhoih deih a om lai in thusia vaihawm sawmna om zel hi. I beh i phung khawngin kidemin i kituam lak zel sese hi. Tua in khangthakte sisanah kihuatna leh kilang bawlna hong tuh a, i minam leh i khawsungin thuak lawh mawk hi.

I minam ka etet ciang pawl tuam tuam tam mahmah a, i nambul/ci bilin Association, society organisation i phuan sese hi. A khente Chin, Tedim, Paite, Vaiphei, Gange, etc. ci in kipawl khopna leh pawlpi min leh political party munah i zang sese hi. I nambil beekah hih ciangin i unau pihte tawh kipawl theilo mawk hi. ‘Zomi’ ciin koih hi leh kipawl khawmin pawl lian tak

khat kisuak ziau ding hi. Sanggam Lushei te pen kipawl khop lam a siam mahmah uh a, Sailo, Pachuau, Ralte, Khiangte etc. ci in pawl phuan tuam sese lo in 'Mizo' ci in kipawl khawmin pawl lian tak bawl uh a, huam kim sak mahmah lel uh a, namdangten zahtak pah lel hi.

Ei Zomite zong pan khop hun takpi ta lo hiam? Maw kikhen khen lai zaw ding? Kei tua mi tua pau zangin cihcih hun nawn kei. 'Zomi' na hihna tel in. I pan khawm kei leh mi namdangte sila in sawt i om lua kha ding hi. Ei leh Ei zong kihazat leh kigensiat siat hun nawn lo a, a hoih kei leh kihilh ziau lel ding hi. Tua ahilh manin leitungah nam thupi leh a khang to dingin 'Kigawm Khop' kan a hoih om lo. *Tunsung khat pan piang, sanggam laigui zom zo vontawi te, khut kilen, lungkituakin, tui bang luang khawm ciat ta ni.*

Thungetna ah phawk ni

Pa Kam Lian BYF member Sesih a singtanna ah tangkhial in Aizawl zato in zuan a, tu in inn lamah kikem hi. Dam sianthona a ngah theihna dingin thungetna ah phawk ni.

Gupkhatna Camping bawl sawm

Hnahlan pawlpi in a sawt lo in gupkhatna thu tawh kisai in camp bawl sawm a, tua ading in sum leh pai akipan thungetna tawh pan lim takin a lak san lai tak uh hi. Gup ngah mi hong kibehlap theihna ding kideihsak hi.

DAHPIHNA

Nu Pau Khaw Don (22) w/o Pa Dal Thang a meilah zawwna ah tang khial a, a na thuak lo in hong nusia hi. Inn lamah Evan Lian Go in nguina hun zang hi.

Pa Khup Khen Dal (40) Ngaizawl khua pen singthupi a lawh lai in tangkhial a, a liam thuak zo lo in, ni 3.5.2010 in hong nusia hi. Rev. Cin Khan Tuangin nguina hun zang hi.

Nu Khoi Za Cing (77) w/o Pa Lang Go (L) Champhai in Gil natna hangin ni 4.5.2010 in hong nusia hi. Inn lamah vuina hun Rev. Cin Khan Tuangin zang a, hanah Rev. Gin Lam Thangin Lai Siangtho simna leh thungetna hun zang hi.

Nu Ning Za Cing (74) m/o Pa Ma Muang Peon cum Chowkider in 13.5.2010 in zunkhum natna thuak lo in hong nusia hi. Inn lamah nguina hun Rev. Cin Khan Tuangin nguina hun zang a, hanah Rev. Suan Khan Thangin Lai Siangtho simin thungetna hun zang hi.

Siat tuak innkuante Taangko Editorial Board in kithuakpih mahmah a, hehnem siam Topa Kha Siangtho in amaute tungah a khamuanna deih huai tak na tungsak ta hen.

Van Jerusalem khuapi thak

Sihna zong a sihna ding mun hi.

Aw! Tua lai gam nuamah,

Kah leh mauna om nawn lo,

Honpa tawh tawldamna mun hi.

ZBYF MUSIC FESTIVAL CUM SPORTS ETKIKNA

- Tg. Khampu, Murlen

Kum 2009 ZBYF Music Festival cum Sports pen ZBC Headquarters Champhai ah kizang in, kidemna tuamtuam - solo, volleyball, khau kisuh, suangpum lot, leh tai kidemna om hi. Khangnoten a siam tawp un kidemna nei uh a, nuam kisa kim mahmah hi. Pasion huhna tawh kei zong hih hunah kihel thei ing. Hih bang hun nuamah kician taka ka khatvei zatna ahih manin nuam kasa mahmah hi. A hoih tampi lakah i kisin ding pawlkhat kong teikhia hi.

i) Zindo khangno pawlkhatte (a vekin hilo) lungsim puakzia pen siangtho zolo in mu ing. A zinte uh, deidan neiloa a muak ding uh hileh kilawm napi, dei tuam nei uh hi. Khristian lungsim puakzia pen a siangtho ding ahi hi. Zinte nopmawhna a bawlte ihih khak lohna dingin zindote i kikep ding kizam hi. Headquarters cih ciangin, khawdangte etteh dinga gamtat ding pen ei tavuan hi. Midangte muhna bang ahi diam, ken thei keng?

ii) Makaite in a gen den uh, pawl dangte kihel loh ding cih pen, 90% khawng lawhcing zo bek hi. Nidang ciang tu a sangin a hoih zaw dingin lameng hang. I nahih khatpeuh ah 'dikna' leh 'thumanna' pen khahsuah lo in dingtang sak lehang, miten hong zahtak pan ding uh hi. Mite nopneh a i om lohna dingin 'hi' i cih leh 'hi' ci in, 'hilo' icih leh zong 'hilo' i cih ngam ding kizam hi.

iii) Khangnoten makaite zahtak dan i sin kul lai hi. Amau theihna leh siamna ciang pen zahtaksak ding hi. Telkhhialh leh hihkhhialhte pen lungpil taka gen ding hi a, amau hoihsaakte sanpih ziau pen mipil hihna ahi hi. Pil lo

in siam ta kei le uh, makai ahihna uh i zahtak siam ding pen Khristian khangnote gamtat zia hizaw.

iv) Kikhop dak a gin bek leh paipah napi, biakinn sung tum suak lo a inkong a om pen mite cih dan ahi phial zongin, zat nawn loh dingin hoih hi. Tulai nawnlo lua.

v) Mite tatkhhialhna nuhsan pen nam khangtote lakah kizang nawnlo a, i nuhsan khak ding kidawm mahmah ni. Mite maizumna ding ngaihutsak masa lo a, i nuh pen kilawmlo hi. Ei tuak khak hileh, i nui zen tam!

vi) 'Tu-tual' cih sangin 'nu-nung' cileng kilawm zaw a, mi pau i kawm sangin ei pau a kiho pen thupi zaw hi. Zomi khangno bekbek kimukhawm in, pau dang kitam zatzaw phial cih pen, ngaihut huai mahmah hi. Gentehnain, 'Shot Put' cih sangin 'Suangpumlot' cileng kitheisiam kim zaw a, 'Tug of War' cih sangin 'Khau Kisuh' cileng kitelsiamkim zaw hi. Tua mah bangin a dangte zong hi khin hi.

vii) Biakin sunga ot zuazua(a uang lua a ot) pen bang deihna ahi diam thei keng? Tutung bel Festival (pawi)

ahih manin tua ciangciangah kitheihshiamna om a, kikhopna siangtho i neih ciangin tua bang lak pan i kikep ding hoih hi.

viii) Kimawlna ahah mah bangin, i hatlohnate ah hatlo siamin, i hatnate ah zong hat dan siam ding hi. BYF khangnoten i siamna leh i Khristian hihnate mite lakah i lah khat hun hi, cih thei gige a i kimawl leh i gamtat ding pen deihhuai hi. Kiphatsak nang hilo in, Pasion hong piak talent te Ama minthan nadinga i zat ding hi. Mite ko a i om lohna dingin kithutuak tak leh kimawlmi lungsim pua a kimawl ding hanciam ni.

ix) Kidemna khat peuhpeuh a om ciangin tua kidemna ding tawh kisai in zaksak ding teng pen Area tuamtuamah kician takin zaksak hitek leh hoih ding hi. Theihkholh loh, amun tun cianga theih tawm tampi om a, tuate ah kiginna hun om manlo hi. Tu sangin nidang ciangin *information* pen a hatzawk ding lamem hang. Phone khawng zong kinei ciat ta ahah manin! Hih pen Solo kidemna tawh kisai deuh hi.

x) Sports kipat ding cianga ‘oath taking (kiciamna)’ pen gelhsa ciantakin om leh hoih ding hi.

xi) Certificate i bawlluh in mite hong eng sak mahmah hi. Printer kinei lel ahah teh, tam beilo dingin um ing. Nidang ciangin nasep(job) zonna a zang ut pawl ki om thei a, tua hun ciang kam a genbek sangin a lai mah lah ding

om hileh nuamzaw ding hi.

xii) Tep leh muam ki uang zat lua sa ing. Biakinn kawng mai khawnga zatep buakbuak cih pen kilawm nawn lo hi. Khristian khangno pai khawm hi ihah manin mite hong muhna dingah zong a zahtakhuai hi ahah manin hite pan i pen zawhna dingin hanciam huai sa ing.

I kideihsak luat man vive hi e. Makaite in hibanga khangnote kimuhkhop nading hun hong geelkhat uh siam kasa hi. A pai khate kisik cih omlo a, haksatna omlo in ahun man lian in *item* teng kizo kim thei ahah manin lungdamhuai hi. A hoihna tampite gelh lehang laimai tampi kul ding ahah manin, ki-etphat nading a kizam kasak pawlkhat bek kong gelh hi. Kuamah in nong telkhialh lohna ding kong thum hi.

Nidang ciangin, *Zomi Baptist Literature Board (ZBLB)* te sponsore na nuai mah ah lai lam tawh kisai hi in, i ngeina tawh kisai hita leh Seminar khawng om lai ding a, *Music Festival Cum Cultural Show* cih bangin i makaite in khangnote hong kaikhawm kik ding uh hi. Tua ahi kei zong, *Seminar on Zomi Culture* neih kawmin, *Cultural show* kidemna leh *Mizoram Zomi Icon/Idol* khawng hong bawl lai ding uh a, nuam zen si’n teh!

THEIH DING

Thului (article) leh thu tuamtuam a puak nuamte in Editor tungah puak theih hi.

TAN 12 ZOTE KILUNG DAMPIH

Mizoram Board of School Education nuai panin pawlpi mi anuaia te in tan 12 zo uh a, Taangko Editorial Board in kilungdampih mahmah hi.

Champhai

- | | | | |
|-----------------------------|--------------------------|---------|--------------|
| 1. Lia Esther Vung San Nuam | <i>d/o Nu Cing Mang</i> | Science | II Division |
| 2. Lia Vannunmawi | <i>d/o Pa Tawk Piang</i> | Arts | III Division |
| 3. Tg. Kam Luah Thang | <i>s/o Upa B.Mang</i> | Arts | III Division |

Aizawl

- | | | | |
|------------------------|------------------------|--|------------|
| 1. Tg. Nang Suan Piang | <i>s/o Kham Do Pau</i> | | I Division |
|------------------------|------------------------|--|------------|

SCHOLARSHIP

Mizoram Scholarship Board nuai aiah CI - X (tan sawm) zo leh a tungsiahte adingin a nuai a Scholarship te 31st July, 2010 ciang ngetna khat theih hi :-

1. Post Matric Scholarship
2. Post Matric Merit Scholarship
3. Post Matric Minority Scholarship
4. NEC Stipend 86 Book Grant
5. Junior/Senior Research Fellowship
6. Rai Foundation Professional Scholarship

A kician zawa thei nuamte adingin Tg. K. Josef Hatzaw (9862754259/0389-2349068) kiangah zingsang (5-7 AM) leh zan (7-10PM) hun sungin kan theih hi.

2010 ZBYF SUM NGAHNA

I. Budget pia

- | | |
|---------------|-----------|
| 1. Aizawl BYF | Rs.2000/- |
|---------------|-----------|

II. Taangko Budget pia

- | | |
|-----------------|----------|
| 1. Shillong BYF | Rs.800/- |
|-----------------|----------|

III. Annual fee piate :-

- | | |
|-----------------|---------|
| 1. Champhai BYF | Rs.50/- |
| 2. Hnahlan BYF | Rs.50/- |
| 3. Sesih BYF | Rs.50/- |
| 4. Murlen BYF | Rs.50/- |

IV. Membership fee piate :-

- | | |
|-------------------|----------|
| 1. Champhai BYF | Rs.345/- |
| 2. Hnahlan BYF | Rs.220/- |
| 3. Sesih BYF | Rs.470/- |
| 4. Murlen BYF | Rs.205/- |
| 5. Vapar BYF | Rs.285/- |
| 6. Vengthar BYF | Rs.190/- |
| 7. N.Champhai BYF | Rs.145/- |

Kumlang hong bei ding ahih manin ZBYF Budget, silver jubilee budget, membership, annual fee leh taangko tat man a pia nai lo te in a manlang lamin piak theih sawm ciat ding hi.

Kuatan bang gen?

Ka phone ah Gas ka khel leh nuam tak ei.. tihci tak ei..

-Tg. Cin Suan Kham, Mln.

Man kila dih ni. Ihihna bangbanga kilat kul ding. Phamawh kei, singbul meek leng singbul mah suak, ci hi ven..maw..

-Sia Dal Go Nang, Azl.

Ka kawi Lianu mah ngai ing, etcim thei keng. Zokhawthar pan galin don ing.

- Pa Hau Pian, Sesih

Sir Khamin zong Sesih a nusiati tatak leh, nungak lengkhawling neilo om taw.

- Pa JM Muan, Sesih

Sesihte a meel et uh bang kei, upmawh sang ann pen baak thei lel uh.

- Lia Dimboih, Zkt.

Ka utna pawpohah pai sei nawn ong, Fevicol sak khat in ong mat tip veh aw.

- Nu Man Sawh, Sesih

Mat le zetin hong kiphone pahpah hang a kimanna om kei, beidotna mai lel hi.

-Tg. Pau Lian, Cpi.

Mi taktak hi ta ing e, ka lamet loh thupha in hong buak veh..

-Lia Khup Ngaih Nem, Cpi.

Ka kam cidampihthe koi tengah leeng mang khin uh hiam? Ka lung zuang sak mahmah veh aw..

-Evan. Zel Thang, Cpi.

Sialkal panin Champhai zuat zaw nai lo thong ai ve..sun thapai in sungnim in ki om a, ann kine thei lo hi.

-Upa Cin Lian, Hmn.

Pasian thu pen kikhop simin kigengen zel, kikhop simin khat leh nih ta kizui zel leh, kum khat sungin tampi kithei ding hi a, ahi zong kizui lo ahih manin poi mahmah hi.

-Upa Hau Za Nang, Mln.

Unau Mizote la in, "Dawn in thinlai a na ngei e," a cih uh hi a dik thou e o.. Zu dawnte khu ..a thin uh na teitei a ve..!! Na thei ei.

-SKA, Mln.

A Mizo pau in a 'subject' kici hi.

-Pa Zam, Hmn.

Khangnote aw, lai bek siam sawm lo in, Pasian thu lamah zong i khan ding ahi hi. Tua hileh thupha kisang ding hi.

-Tg. Thang Khan Lian, Shl.

SESIH EMS HUHNA PIA

1. Pa Z.L Thang	Vapar	Rs.500/-
2. Pa Dal Kap Mung		Rs.500/-
3. Upa Hang Thawn Tuang Aizawl		Rs.300/-
4. Upa Nang Khan Dal Sesih		Rs.100/-
5. Tg. Cin Sawm Lian Champhai		Rs.100/-
ZBC Sanginn Sesih English Medium School huhna sum a plate tungah ZBYF in lungdamna lianpi kiko hi.		
<i>-Secretary ZBYF</i>		

"Na lungkham hun ding hong tun ma, Nuntakna nuam sa kei ing." na cih ma hun, na khangno lai takin nang a hong Piangsakpa phawh in. (Thna. 12: 1)